

# **REFERAT SAA- Sanarfinermut Avatangiisinullu Ataatsimiititaq d. 24-02-2022**

**Mødedato** Torsdag d. 24. februar 2022 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuersissutigineqarneri.....   | 4  |
| Nalunaarutit.....   | 5  |
| Illumi ulloq unnuarlu angerlarsimaffiup inatsisitigut akuerisanngortinneqarnissaanik qinnuteqaat, N | 6  |
| Siunnersuut, 2D2-2 Iggiaa.....  | 9  |
| Siunnersuut Kommuneplantillæg 4B1-2, Naternaq, Nuuk.....  | 12 |
| Ittoqqortoormiini B-22-p eriagisaanerata atorunnaarsinneqarnissaanik siunnersuut.....               | 15 |
| Nunaminertap 4A8-p Ningitsiviup sanaartorfissagissarneqarnissaa.....                                | 18 |
| Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarne           | 21 |
| Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera....        | 24 |
| Kommunimut pilersaarummut tapiliussap N1-1 – Utoqqarmiut Kangerluarsunnguani erngup nuking          | 27 |
| Aqqusinersuarmi Qiterisaqarfimmut pilersaarut, Nuuk.....  | 30 |
| Taasariaqartut allat.....   | 32 |
| Imaqarniliap akuerineqarnera.....   | 33 |

## **Punkt .: Saqqaa**

### **Ilaasortat**

Justus Hansen (D) *siluersuisoq*

Uju Petersen (IA)

Lone Rosengreen Pedersen (IA)

Naya-Sophia Lyberth (IA)

Peter Davidsen (S)

### **Beslutning**

#### **Ataatsimeeqataasut:**

Justus Hansen (D)

Lone Rosengreen Pedersen (IA)

Naya-Sophia Lyberth (IA)

Peter Davidsen (S)

#### **Attaveqaatitigut peqataavoq:**

Harald Bianco (IA)

#### **Ataatsimeeqataasinnaanatikf nalunaartut:**

Uju Petersen (IA)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

**Punkt .: Nalunaarutit**

# **Punkt 1: Illumi ulloq unnuarlu angerlarsimaffiup inatsisitigut akuerisanngortinneqarnissaanik qinnuteqaat, Noorlernut 22, 3900 Nuuk**

## **Beslutning**

Inassuteqaat akuersissutigineqarpoq.

## **Bilag**

Nunaminertamik atugassinneqarnissamik qinnuteqarneq

Tusarniaaneq

Sumiiffimmi nunap assiinga



## **Illumi ulloq unnuarlu angerlarsimaffiup inatsisitigut akuerisannngortinneqarnissaanik qinnuteqaat, Noorlernut 22, 3900 Nuuk**

Aalajangiiffigisassaq

SagsID.: BOG-2019-04406-008

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Ulloq unnuarlu angerlarsimaffiup atorneqarnerata allannngortinneqarnissaanik qinnuteqaat akuersissutigineqassasoq

### **Suliamik saqqummiussineq**

Sanarfinermut Avatangiisinullu Ingerlatsivik ilaqutariit ataatsit illuanit Noorlernut 22-mi Nuummiittuni nunaminertamik atuinissamat akuersissutip allannngortinnissaanut ulloq unnuarlu angerlarsimaffittut atoneqarnissaanut qinnuteqaammik tigusaqarpoq. Illu kommunimut pilersaarummut tapiliussami 1A3-mi inissisimavoq, Jens Kreutzmannip Aqq Saqqarlernilu Inissiaqarfik. Immikkoortup atuuffissaa inissiaqarfissannngorlugu aalajangersaaffigineqassaaq siammasissunik pukkitsunik inissialiorfigalugu ilaqutariit ataatsit illuinik imaluunniit illunik affarleriinnik, inissianik eqimasunik pukkitsunik soorlu uiguleriiaanik assigisaannilluunniit aammalu inissiaarsuarnik quleriiaanik.

Illu inissiaqarfimmi inissisimavoq, taamaalillunilu atorneqarnissaata allannngortinneqarnissaa immikkut ittumik akuersissutigisariaqarluni.

Suliamik suliarinninnermut atatillugu suliamik saqqummiussinissaq sioqqullugu ingerlatsivik imaattunik suliaqarsimavoq:

- Ingerlatsiviup inissisimaffia misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatip Noorlerni eqqaamiorisanut tusarniaassutigaa.

### **Qinnuteqaat**

Qinnuteqaammi atuarneqarsinnaavoq, ulloq unnuarlu angerlarsimaffik arfinillit tikillugit meqqanit angerlarsimaffigineqassasoq, 12-niit 18-inut ukiulinnik. Sulisut arfineq-pingasuuassapput, sulisut marluk ulluklut sulisassallutik, pingasullu unnuklut. Najugallit ulluklut atuartassapput, imaluunniit sulisassallutik. Tamatuma saniatigut najugallit timersortassapput, naluttarfimmiittassallutik assigisaannillu sunngiffimmi sammisaqartassallutik.

### **Suliatigut naliliineq**

Ingerlatsiviup Nuummi ulloq unnuarlu angerlarsimaffiit tamaasa toqqarsimavai, oqaatigissallugulu, Inissiaqarfimmi 1A3-mi Jens Kreutzmannip Aqqutaa aamma Saqqarlerni sulisoqarfinnut assingusunut nunaminertamik atuinissamat akuersissuteqartoqarnikuunngimmat. Taamaattumik ingerlatsiviup nalilerpaa, sumiiffimmi ulloq unnuarlu angerlarsimaffeqarsinnaasoq, tamaani inissisimasunut artukkiitaanngikkaluartumik, imaluunniit kommunimut pilersaarummut tapiliussami atuinissatut aalajangersakkat malillugit sumiiffiup inissiaqarfiuneranik allannguutaanngikkaluartumik.

Angallannermut tunngasut eqqarsaatigalugit, sumiiffimmi annertunerusumik allannguisoqaqqinnaviannngitsoq kommunip nalilerpaa. Tamanna ulloq unnuarlu angerlarsimaffimmi



sulisut qassiunissaanik, qanorlu innikkut suliffigineqartarnissaanut tunngaveqarpoq. Taava aamma biilit uninngasarfiisa ilaneqarnissaat piumasarineqassanngilaq.

Suliamik saqqumiussissut una sioqqullugu, qinnuteqaat pilersaarusiornermut tunngasut kisiisa tunngavigalugit nalilersorneqarpoq. Suliaq sanaartornermut inatsit naapertorlugu suli nalilersorneqaranilu suliarineqanngilaq.

#### Eqqaamiorisanik tusarniaaneq

Pilersaarusiornermut inatsit naapertorlugu kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Kisianni eqqaamiorisanut tusarniaasoqassaaq, eqqaamiorisanut suliamut attuumassuteqartutut kommunip isumaqarfisaaannut, taamaasillunilu suliamut tunngatillugu erseqqissumik, pingaarutilimmik toqqaannartumik ataasiakkaatullu soqutigisalimmut.

Eqqaamiorisamut tusarniaaneq pivoq 15.12.2021-miit – 14.01.2022-p tungaanut, qinnuteqaatigineqartumullu akileriliissuteqartoqanngilaq.

#### **Ingerlatsivimmit aningaasatigut sulisoqarnikkullu naliliinerit**

Qinnuteqaatit kommunimut aningaasatigut kinguneqassanngillat.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaataitallit**

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma
- Kommunimut pilersaarummut tapiliussa: 1A3 Nuuk, Nuup illoqarfia, Jens Kreutzmannip Aqqutaa aamma Saqqarliit
- Kommunimut pilersaarut 2032

#### **Ilanngussaq**

1. Nunaminertamik atugassinneqarnissamik qinnuteqarneq
2. Tusarniaaneq
3. Sumiiffimmi nunap assiinga

## **Punkt 2: Siunnersuut, 2D2-2 Iggjaa**

### **Beslutning**

Inassuteqaat akuersissutigineqarpoq.

### **Bilag**

Kommunimut pilersaarummut tapiliussassatut siunnersuut 2D2, Iggjaa, Nuuk

## Siunnersuut, 2D2-2 Iggiaa

Kommunimut pilersaarummut tapiliussamut siunnersuut

Aalajangiiffigisassaq

SagsID.: EMN-2022-00902

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 2D2-2 Iggiaa, Nuuk, akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### Suliamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussamut siunnersuut 2D2-2 Iggiaa, Nuuk, matumuuna saqqummiunneqarpoq. Matumani kommunimut pilersaarummut tapiliussassaq immikkoortup sanaartorfingineqannginnissaa aamma sunngiffimmut atorineqarnissaa attassiinnarpoq (D), tassaniissinnaappullu sunngiffimmut atorut sukisaarsarfillu (D2). Immikkoortulli immikkoortumi killilerneqarnera nutarterneqassaaq, peqatigitillugulu immikkuualuttunut A-mut aamma B-mut avinneqarluni.

Matumani kommunimut pilersaarummut tapiliussami, 2D2-2, Iggiaa, sanaartorfissat marluk nunniornissamut talittarfiliornissamullu atugassiissutigineqarput. Saniatigut ikaartarfinnik puttasunik kiisalu biilinit uninngasarfeqarnissamik periarfissaqassaaq .

Matumani kommunimut pilersaarummut tapiliussami immikkuualuttut marluk sanaartorfissanngortinneqartut:

- Immikkuualuttoq A ikaartarfinnut puttasunut talittarfimmullu atugassanngortinneqarpoq
- Immikkuualuttoq B nunniugassanngortinneqassaaq, umiatsianut puttasunut, talittarfimmut kiisalu biilinit uninngasarfissamut atugassanngortinneqarpoq

### Sanaartorfissiat

Immikkoortup ilaani 2D2-mi sanaartorfissiat marluk atugassanngortinneqarput, taakkulu tulliuttumi erseqqinnerusumik ima nassuiarneqartut:

B1: Talittarfissamut nutaamut atugassanngortinneqarpoq, siunissami umiatsianut puttasut pilersinneqarnissaannut aqutissiuisumik.

B2: Nunniorfissanngortinneqarpoq.

Kommunimut pilersaarummut tapiliussassatut siunnersuut 2D2-2 tamanut sapaatip akunnerini 8-ni tusarniaassutigineqarpoq. Tamatuma kingorna tusarniaanermi akissuteqaatit suliarineqassapput, taakkulu iluarsissutaasinnaasut allat ilanngullugit inaarutaasumik aalajangiiffigineqannginneranni, politikikkut aappassaaneerneqarnissaannut ingerlateqqinneqassapput. Matumani Kommunimut pilersaarummut tapiliussassatut siunnersuutip 2D2-2 akuersissutigineqarneratigut 2D2-1 atorunnaarsinneqassaaq.

## Naalagaaffiit Peqatigiit nunarsuaq tamakkerlugu anguniagaat



Anguniagaq 11: Illoqarfiit najukkamilu inuiaqatigiit piujuartitsisut<sup>[11]</sup> - Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroortigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



Anguniagaq 12: Akisussaassusilimmik atuneq nioqutissiornerlu- Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

### Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 atorneqartarput.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### Ilanngussaq

1. Kommunimut pilersaarummut tapiliussassatut siunnersuut 2D2, Iggiaa, Nuuk

## **Punkt 3: Siunnersuut Kommuneplantillæg 4B1-2, Naternaq, Nuuk**

### **Beslutning**

Inassuteqaat akuersissutigineqarpoq.

### **Bilag**

Siunnersuut Kommuneplantillæg 4B1-2, Naternaq, Nuuk

## Siunnersuut Kommuneplantillæg 4B1-2, Naternaq, Nuuk

Kommunimut pilersaarummut tapiliussamut siunnersuut

Aalajangiiffigisassaq

SagsID.: EMN-2022-00470

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 4B1-2, Naternaq, Nuuk akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2, Naternaq, Nuuk., matumuuna saqqummiunneqarpoq.

Pilersaarusrifigineqartuq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissat/Store Malenep 800 meterinik portussusillip paavaniilluni. Sumiiffik suliffeqarfiliorfissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakillioernemik iluaallatsitsisinnaasunik (nunaminertat iluanni aammalumi sanaartorfioqqusaanngitsuni), aputaajaanermut tunngatillugu, biilit unittarfiinut aammalu immikkoortup ilaani isumannaatsumik angallannermut tunngatillugu. Sumiiffik sanaartorfissamik sinneqarunarpoq, taamaattumillu sinnaa avalleq atuarlugugu annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atornerqartut ataatsimoortinneqassapput, suliffeqarfinnut inissiiffissanullu eqaannerusumik inissaqartitsiniarluni.

Nunaminertat kujasissumiittut kommunimut pilersaarummut tapiliussa 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput.

Immikkoortup ilaata avannamut kangimut sammerngani sanaartorfissiat 30-t angallassissutitut oqimaatsunut inissiiffiioernissamut atugassiissutigineqarput, taakkununga ilanngullugit usisaatinut bussinullu. Tamaani biilit uninngasarfiinik nutaanik akiliuteqartitsilluni atornerqarsinnaasunik pilersitsineq eqqarsaatigineqarmat.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

**Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaataitallit**

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

**Ilanngussaq**

1. Kommunimut pilersaarummut tapiliussamut 4B1-2, Naternaq, Nuuk, siunnersuut

## **Punkt 4: Ittoqqortoormiini B-22-p eriagisaanerata atorunnaarsinneqarnissaanik siunnersuut**

### **Beslutning**

Inassuteqaat akuersissutigineqarpoq.

### **Bilag**

B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat

Allanngutsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat

Bilag 3\_Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsis.docx

Bevaringsvaerdige\_bygninger\_og\_omraader\_oversigt\_jan\_2015

## **Ittoqqortoormiini B-22-p eriagisaanerata atorunnaarsinneqarnissaanik siunnersuut**

Aalajangiiffigisassaq

SagsID.: EMN-2021-16839

Sanarfinermut Avatangiisinullu Ingerlatsivik - pisortaq Hans-Ulrik Tønnes Skifte/ HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut matumuuna inassuteqaatigaa:

- Ittoqqortoormiini B-22-p eriagisaanerata atorunnaarsinneqarnissaanik suliap ingerlateqqinneqarnissaanik ingerlatsiviup inassuteqaataa akuersissutigineqassasoq
- suliap Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliamik saqqummiussineq**

Sanarfinermut Avatangiisinullu Ingerlatsiviup Ittoqqortoormiini B-22-p, eriagisaanerata atorunnaarsinneqarnissaanik qinnuteqaammi tunngavilersuutit pingaarnerit matumani saqqummiuppai.

Ingerlatsivik illumik piginnittumit KNI-mit saaffiginnissummik pissarsivoq tassanilu B-22-p isaterneqarnissaa kissaatigineqarpoq.

B-22 ullumikkut allanngortitigaavallaartutut paarinerlugaasutullu isikkoqarpoq. B-22-p atorneqarsinnaalersinnissaa akisussaaq, aallaqqaammullu isikkuanut B-22-p eriagisassaaneranut pissutaasumut uterteqqinnissaa suli akisunerussalluni.

B-22 sumiiffimmi C-mi illut allanngutsaaliukkat marluk (B-33 aamma B-45) eqqaanni inissisimavoq, B-22-li taakkununga arlaatigut taasarialimmik attuumassuteqartoq ingerlatsivik isumaqanngilaq. B-22 pillugu paasisutissat uppernarsaatillu killeqarput. Taamaammat naliliinermi aallaqqaammut titartakkanit 1939-meersunit assiliasat marluk sanaartornermilu asseq ataaseq, 1984-imi kimmuit ilassuserneqarneranit titartakkat aamma ullumikkut qanoq issusianik assit uppernarsaatit tunngaviupput.

Atortunik qulaaniittunik naliliinermi B-22-mi atortut 1939-meersuunersut nalornissutaasimavoq, tassa ullumikkut isikkua aallaqqaammut isikkuanit allaanerujussuummat. Ingerlatsiviup ataatsimut isigalugu B-22 oqaluttuarisaanikkut, atortutigut kulturikkulluunniit naammaginartumik naleqanngitsoq eriagisaaneralu atorunnaarsinneqartariaqartoq nalilerpaa.

### **Suliap ingerlanissaa**

- B-22-p eriagisaanerata atorunnaarsinneqarnissaanik siunnersuut Nuna Tamakkerlugu pilersaarusiortarnermut immikkoortortaqaarfimmit susassaqaarfimmut oqartussaasuusumit siumoortumik akuersissutigineqareerpoq, sap.ak. sisamani tamanut tusarnutigineqarnissaa tassani siunertaralugu, tassunga ilanngullugu B-22 pillugu najukkami kommunip allaffiani nalunaarutigineqarnissaa kiisalu sumiiffinni attuumassuteqartuni allagarsiunneqarnissaa
- Tusarniummut akissut Nuna Tamakkerlugu Pilersaarusiortarnermut immikkoortortaqaarfimmi suliarineqassaaq
- Tusarniummut akissutit tiguneqartut tamarmik kiisalu B-22-p eriagisaanerata atorunnaarsinneqarnissaanut tunngavilersuut Nuna Tamakkerlugu Pilersaarusiortarnermut immikkoortortaqaarfimmut nassiunneqassapput. Suliamut atortussat tiguneqartut

tunngavigalugit eriagisassaanneranik atorunnaarsitsinissamik imaluunniit attassiinnarnissamik innersuussisoqassaaq

- Nuna Tamakkerlugu Pilersaarusiortarnermut immikkoortortaarfik inaarutaasussamik aalajangiisuusussamut Kommunalbestyrelsimut innersuusiussaaq. Eriagisaanneranik atorunnaarsitsisoqarpat Illoqarfimmik Inerisaanermut immikkoortortaq innuttaasunut aamma susassaqarfimmut oqartussaasumut nassiunneqartussamik nassuiaasiussaaq

### **Ingerlatsivimmit aningaasatigut sulisoqarnikkullu naliliinerit**

Ingerlatsiviup nalilerpaa, suliap ingerlanneqarnerani ukiumut suliarisinnaasat 1/5-ip nalinganik atuiffiussasoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq .

### **Inatsisitigut tunngavissaaq allakkallu tunngaviusumik uppersaaitallit**

- Allanngutsaaliuisussaannermik nalunaarut 21.04.2021 malillugu qanoq ingerlatsisoqarnissaa pillugu nassuiaat
- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- Illut immikkoortortallu eriagisariaqartut takussutissartaat jan. 2015

### **Ilanngussaaq**

1. B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat
2. Allanngutsaaliuisussaannermik nalunaarut 21.04.2021 malillugu qanoq ingerlatsisoqarnissaa pillugu nassuiaat
3. Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
4. Bevaringsvaerdige\_bygninger\_og\_omraader\_oversigt\_jan\_2015

## **Punkt 5: Nunaminertap 4A8-p Ningitsiviup sanaartorfissagissarneqarnissaa**

### **Beslutning**

Inassuteqaat akuersissutigineqarpoq.

### **Bilag**

Missingiutit

Nunap assinga



## Nunaminertap 4A8-p Ningitsiviup sanaartorfissagissarneqarnissaa

Eqiterinermut atatillugu sanaartorfissagissaanermut aningaasartuuteqarneruneq

Aalajangiiffigisassaq

SagsID.: EMN-2022-01018

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartorfissagissaanermut aningaasartuuteqarnerunissaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq

### Suliamik saqqummiussineq

Sanarfinermut Avatangiisinullu Ingerlatsivik 2017-imi Nuummi Qinnngutsinni inissisimasumut immikkuualuttumut 4A8-mut kommunimut pilersaarummut tapiliussamik suliaqarpoq. Inissialiornissamut sanaartorfissat 42-t atugassiissutigineqarput, pilersaarutaavorlu taakku akuleriissinneqassasut, tassa ilaqutariinnut ataatsimut illunut, illunut affarleriinnut aamma inissianut uigusatut isikkulinnut imminnut nikingasunut Kingulliit taaneqartut quleriit marluk tikillugit portutigisunik sanaartorneqarsinnaapput. Maannakkut immikkoortoq sanaartorfissagissarneqarpoq, tassungalu NCD sanaartortitsisuuvoq.

Nuummi inissianik 1800 ilasinissamik politikikkut anguniakkamut atatillugu immikkuualuttoq 3-mi, inissianut uigusatut isikkulinnut imminnut nikingasunut atugassanngortinneqarsimasumi, quleriit pingasut tikillugit immikkuualuttumi sanaartortoqarsinnaanersoq ingerlatsivimmit misissorneqarpoq. Tamanna immikkuualuttoq 4A7 Pinnguaqqami, 4A8-p kangiatungaani inissisimasumi, maanna ineriartortitsinermut ataqtigiiissoq suliatigut nalilerneqarpoq (ilanngussaq 2 takuuk). Sanaartorfissat taakku 17-it quleriinnik ataatsimik ilanerisigut 4000 m<sup>2</sup>-t miss. ilaneqassapput, taamaalilluni immikkoortumi inissiat 30-t aamma 40-t akornannik ilaneqarsinnaassapput.

Taamaattorli inissiat amerlinerisigut biilit unittarfii amerlanerit kiisalu pilersuinerup ilaatigut annertusineqarnissaa pisariaqartinneqalissapput. Ingerlatsivimmit NCD-mut aningaasaqarnikkut kingunerisinnaasat misissoqquneqarsimapput, taakkulu 2 mio. kr. miss. naleqassapput (ilanngussaq 1) Sanaartorfissagissaanermut aningaasartuutit tamakkiisut nunaminertanik atuisinnaasunut agguataarneqassapput, aningaasartuutaanerillu sanaartorfissagissaanermut naatsorsuutitut tamakkiisunut ilaassapput. Tassa aningaasartuutaanatik akiliussinermut tunngasuupput.

Periuseq atorneqartartoq tassaavoq, sanaartorfissagissaanermut akiliutit nunaminertamik atugassiinermut atatillugu akiligassiissutigineqartarnerat.

Immikkoortumi eqiterinermi kommunimut pilersaarummut tapiliussaq pioreersoq nutarterneqartariaqassaaq. Nuummi inissiat ilaneqarnissaannut tunngasut siuarsarniarlugit tamanna akuersissutigineqareerpat ingerlatsivimmit aallartinneqassaaq

### Ingerlatsivimmit aningaasatigut sulisoqarnikkullu naliliinerit

Nunaminertat 2023-p naanerani atugassiissutigineqassasut aamma nunaminertamik atuisinnaasut 2024-mi atugassinneqarnissaat naatsorsuutigineqarpoq, tamatumalu kingorna sanaartorfissagissaanermut aningaasartuutit tamakkiisut kommunimut matussuserneqassapput.



2022-mit 2030-mut sanaartugassanut missingersuutini politikikkut akuersissutaasuni sanaartorfissagissaanermut aningaasaliissutigineqarput:

| <i>Ukioq missingersuusiorfik 2022</i> | <i>Ukiut missingersuusiorfiit 2023</i> | <i>Ukiut missingersuusiorfiit 2024</i> |
|---------------------------------------|--|--|
| 14.350 t.kr.                          | 14.350 t.kr.                           | 3.050 t.kr.                            |

Konto pingaarnermi A60-070103-007 Attaveqarnermut sanaartorfissagissaanermullu aningaasaliissutit 2023-mi aamma 2024-mi aningaasanik atorneqarsimanngitsunik peqartoq erseqqissaassutigineqassaaq, taakkulu 12.500 t. koruuninik 2023-mi aamma 20.000 t.koruuninik aningaasartaqartut aningaasartuuteqarnerunermut matussusiissutigineqarsinnaapput, matumani suliamik saqqummiussineq politikikkut akuersissutigineqassapat.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit naliliisitsisoqanngilaq pineqartoq kommunip missingersuutaaneereermat.

### **Inatsisitigut tunngavissaq allakkallu tunngaviusumik uppernarsaatitalit**

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Sanaartugassanut missingersuutit politikikkut akuersissat 2022-mit 2030-mut
- Suleqatigiinnissamik isumaqatigiissut 2021-2025

### **Ilanngussaq**

1. Missingiutit
2. Nunap assinga

## **Punkt 6: Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera**

### **Beslutning**

Inassuteqaat akuersissutigineqarpoq.

Ikinnersuteqarluni Siumumiit oqaaseqaat: Kissaatigissavarput suleriuseq siunissami kikkunnut tamanut assigiissasoq, akerliussuteqarneq qanorluunniit ikkaluarpat.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 3A9-1 Nuussuup Manngua, Nuuk

## **Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera**

Aalajangiiffigisassaq

SagsID: EMN-2021-12734

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussaq 3A9-1, Nuussuup Manngua, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### **Suliamik saqqummiussineq**

Sanarfinermut Avatangiisinullu Ingerlatsiviup kommunimut pilersaarummut tapiliussaq 3A9-1 Nuussuup Manngua, Nuuk, matumuuna saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 15-ianniit januaarip ulluisa 19-iata 2022-p tungaanut.

Piffissami tusarniaaffiusumi tusarniaanermut akissuteqaatit arfineq-marluk pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamannalu llanngussaq 1-imi takuneqarsinnaavoq.

Kommunimut pilersaarummut tapiliussassami 3A9-1-imi Nuussuarmi inuusuttunut utoqqarnullu naatsorsuussanik inissialiornissamut periarfissiisoqassasoq, taannalu marsip ulluisa aappaanni 2021-imi kommunalbestyrelsimut akuersissutigineqarpoq.

Pilersaarummi immikkoortoq nutaaq inissialiorfissatut immikkoortinneqarpoq 3A9, 3C2 aamma 3C5 ataatsimoortinnerisigut 3A4 aamma 3D1-ip ilaatut.

3C2 aamma 3C5 ullumikkut vandrehjemmiliorfissatut oqaluffiliorfissatullu immikkoortinneqarnikuugaluarput.

3A4 Siaqqinnerup kangiani inissiaqarfiuvoq.

3D1 sanaartorfioqqusaanngilaq, Annersuaq/ Angajua kaajallallugu.

Immikkoortup ilaa nutaaq immikkoortut ilaannut pingasunut agguataarneqassaaq:

Immikkuualuttoq 1: Peter Thårup Høeghip Aqq. kujataata tungaani Nuussullu kitaatungaani inissisimavoq. Tassani sanaartorfissat sisamat tikillugit qulereeqartussanik inissialiorfissat arfineq pingasut immikkoortinneqarput.

Immikkuualuttoq 2: Peter Thårup Høeghip Aqq. avannaata tungaani, tamaani Siaqqinneq allanngortitissaaq kaajallattarissamillu pilersitsisoqarluni. Tamaani sisamanik quleriinnik sisamat tikillugit portussusilinnik inissialiornissamut immikkoortitsisoqassaaq.

Immikkuualuttoq 3: Sumiiffiup Annersuaq/ Angajua avannamut kimmuut ilaani. Tamaani sanaartorfissaq ataaseq immikkoortinneqarpoq, qitiusoqarfimmik sanasoqarsinnaavoq quleriit pingasut tikillugit portussusilinnik.

Pilersaarutitut siunnersuutip tamanut tusarniaassutigineqarneranut atatillugu Biskoppeqarfik, Qeqqata aamma Tunup Provsteqarfia, llageeqarnernut Naalakkersuisoqarfik kiisalu

pilersaarummik piginnittut ataatsimeeqatigineqarput immikkuualuttup ilaani 3C2-mi oqaluffiliornissamat pilersaarutit paasiniarniarlugit. Isumaqatigiissutigineqarpoq immikkuualuttup ilaani 3-mi qitiusoqarfimmut atatillugu oqaluffittut inimik pilersitsinissaq aaqqiissutitsialaassasoq.

Pilersaarummi inissialiornissat saniatigut pineqarput najugallit eqqaamiuisalumi sukisaarsarfissaannik pilersitsinissaq. Tassani ilaallutik basketball bane, uninngaarfik kiisalu illu qitiusoqarfik, tassanilu eqqarsaatigineqarluni timersorfissamik sunngiffimmilu sammisassanik periarfissaqartitsisoqassasoq, cafe aamma oqaluffimmisulli nalliuttunilu naalagiarfiusinnaasoq.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussa q suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa. Aamma taamaappoq aqquserngup allanngortinneqarnissaanut atatillugu nutaamillu kaajallattarfiliornissamat tunngatillugu.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatitalit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussa q 3A9-1 Nuussuup Manngua, Nuuk

## **Punkt 7: Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 4B7-1 Niaqornannguaq Nuuk

## Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera

Aalajangiiffigisassaq

SagsID.: EMN-2021-12694

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4B7-1 Niaqornannguaq, Nuuk, akuerineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### Suliamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 4B7-1 Niaqornannguaq, Nuuk, matumuuna saqqummiuppa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 12-iannit januaarip ulluisa 17-iata 2022-p tungaanut. Piffissami tusarniaaffiusumi tusarniaanermut akissuteqaatit pingasut pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamanalu llanngussaq 1-imi takuneqarsinnaavoq.

Kommunimut pilersaarummut tapiliussap Nuummi Atortussiassanik Suliaqarfik, juunip aallaqqaataanni 2021-imi kommunalbestyrelsimit akuersissutigineqartoq periarfissaalersissavaa.

Pilersaarummut ilanngullugu immikkoortup ilaa 4B7 immikkoortinneqarpoq, tassanilu atortussiassanik suliaqarfimmik pilersitsisoqarsinnaavoq, ujaqqanik sioqqanillu tulaassuiffiullunilu nassiussisarfeqassalluni, aserorterveqassalluni aammalu atortussiassanik immikkoortiveriveqassalluni, atortussiassanillu assigiinngitsunik inaalitsiviussalluni. Atortussiassat inaalitsivinnut qarmakkanut immikkoortitigaassapput. Tamatuma saniatigut pilersaarummi umiarsualiviliornissaq, illunillu ataasiakkaanik suliffeqarfimmu atsunik sananissaq periarfissaalissaq.

Immikkoortoq ullumikkut inuussutissarsiorfissatut umiarsualiviliorfissatullu immikkoortinneqarpoq, inissisimaffiatu mittarfittaassap eqqaaniinnera pissutigalugu, soorlu allaffeqarfiliorfissatut assigisaannillu tunngasunik inuussutissarsiuteqarfissatut naleqqutinngitsutut nalilerneqarpoq. Pilersaarummut tapiliussaq illoqarfiit pingaarnersaannut periusissiami Kommunalbestyrelsip takorluukkatut oqaasertaliussaanut pilersaarut, aammalu Nuummi inuussutissarsiuteqarfiit katersuuffissaatut immikkoortinneqartumut pitsaasumik ilassutaasutut nalilerneqarpoq.

Pilersaarummut tapiliussaq Kommunalbestyrelsimit akuersissutigineqassappat, nunaminertamik atuinissaq sanaartornissamullu akuersissut tunniunneqassapput, maani periuseq malillugu.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataatillit**

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 4B7-1 Niaqornannguaq Nuuk

## **Punkt 8: Kommunitut pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmut tunngasoq



## **Kommunimut pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera**

Aalajangiiffigisassaq

SagsID.: EMN-2021-11073

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq N1-1 - nunaannarmi Utoqqarmiut Kangerluarsunnguani (Buksefjorden), erngup nukinganik nukissiorfimmut tunngasoq akuerineqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

### **Suliamik saqqummiussineq**

Matumuuna Sanarfinermut Avatangiisinullu ingerlatsiviup kommunimut pilersaarummut tapiliussaq Utoqqarmiut Kangerluarsunnguani N1-1 erngup nukinganik nukissiorfiliornissaq, (Buksefjorden), nunaannarmiittoq saqqummiuppa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami 29.09.2021-24.11.2021. Piffissami tusarniaaffiusumi tusarniaanermut akissuteqaatit arfinillit pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, kiisalu:

- Iluarsiissuteqarnerit Nukissiorfiit atortuisa periarfissinneqarnissaannut tunngasut, immikkuualuttut ataasiakkaat qanoq periarfissaqarnerinik taakkulu killilersornerinik iluarsiissutaasut ilanngullugit
- Inatsisinik tunngaveqartumik Nunatta Katersugaasivia Allagaateqarfialu (NKA) piumasaqarpoq sanaartortoqarnissaa sioqqullugu immikkoortumi qanganitsanik nassaassaqarnerisooq misissuisoqaqqaartassasoq. Tamanna NKA-p sanatitsisullu akornanni isumaqatigiissutigineqassaaq

Ilanngussaq 1 Tusarniaassummut akissuteqaatinik suliarinnineq takuuk.

Kommunimut pilersaarummut tapiliussaq una Utoqqarmiut Kangerluarsunnguanni nukissiorfiup, Nuummi innaallagissamik pilersuisup annertusineqarnissaanik Namminersorlutik Oqartussat Nukissiorfiillu kissaataat tunngavigalugu suliarineqarpoq.

Nunataq tamangajammi pinngortitaavoq, immikkoortullu ilaa tamanna immikkoortitaavoq, nunaannartut taaneqartarnera pissutigalugu.

Pilersaarummi matumani Kangerluarsunnguup tasersuata Isortorsuullu tasiata akornanni nutaamik sullorsualiortoqarnissaa periarfissinneqassaaq. Taamaaliortoqarniarpoq nukissiorfiup tamakkiisumik piginnaasaa annertusiniarlugu, taamaasilluni siunissami Nuup inuttusiartornera ilutigalugu innaallagissamik pilersorsinnaaniassammagu. Sullorsualiarineqartussami sullorsuup isuani isaariaanilu erngup isaaffiliortoqarluni aniaffiliortoqassaaq, generatorilerlugu/tankilerlugu mikisunillu sulisut initassaannik sanatitsisoqassalluni (upalungaarsimaneq eqqarsaatigalugu). Kiisalu sullorsuup akunnequtissaa. Aamma sullorsuarnut qanittumi isaarissanut atortunut sinneruttunut atortussaasiviliortoqassaaq.

Pilersaarummut tapiliussami matumani aamma nutaamik nukissiorfiliornissaq periarfissaalissaaq, pioreersumut tapertaasussamik.



Aqquserngit sulinermi atugassatsuliarineqarsinnaapput, aqqutiliat imaluunniit illunut, sanaartukkanut allanullu nunaminertamik atuinernut attuumassuteqartunik, ilanngussami inissimaffissaa innersuussutigalugu. Sulinermut atatillugu aqquserngit, aqqutiliat aqqusineeqqallu tamanit isumannaatsumik tikinneqarsinnaassapput.

Nunaminertamik atuinissamik qinnuteqarfiusut tamarmik oqartussaaffeqarfimmi tamakkuninga suliaqartartumit tusarniaassutigineqassapput. Tamatumani siunertaalluni, pilersaarutip ASN-mik nassuiaasiornissaq (avatangiisinut sunniutissanik nalilersuineq) imaluunniit pinngortitamut sunniutaasussanik nalilersuinissamut pisussaaffeqartitsineranik naliliinissaq.

Erngup nukinganik nukissiorfimiit sarfaq tamarmi piujuartutut attanneqarsinnaasutullu nalilerneqarpoq. Ilanggullugu oqaatigineqassaaq illut taakkulu ingerlanneqarnissaat innaallagissamik pilersorneqarnermikkut namminerisamik kiassarneqarnermikkut pilersorneqartussaammata.

Kommunimut pilersaarummut tapiliussami matumani nunatap pingaarnertut pilersaarusionfiginissaanut immikkuualuttunik aalajangersaaffigineqarnissaa ilaatinneqarpoq.

### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq illoqarfimmi pilersaarusionertumut ataatsimut ukioq naallugu suliffiit 1/4 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanggussaq**

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmuut tunngasooq

## **Punkt 9: Aqqusinersuarmi Qiterisaqarfimmut pilersaarut, Nuuk**

### **Beslutning**

Inassuteqaat imatut oqaaseqaatitalerlugu akuersissutigineqarpoq: Ataatsimiititamit kissaatigineqarpoq kalaallisut qulequtaa misissorneqassasoq.

### **Bilag**

Qiterisaqarfik Aqqusinersuaq

## Aqqusinersuarmi Qitiusoqarfimmut pilersaarut, Nuuk

Misissueqqissaarneq aamma oqaloqatigiinnermi atugassaq

Aalajangiiffigisassaq

SagsID.: EMN-2022-01167

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Aqqusinersuarmi Qitiusoqarfimmut pilersaarut akuersissutigineqassasoq aamma Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu akuersissutigisassanngorlugu ingerlateqqinneqassasoq

### Suliamik saqqummiussineq

Nuummi Aqqusinersuarmi Qitiusoqarfimmut pilersaarummi siunertarineqarpoq Nuummi Illoqarfiup Qeqqata siunissami inerisarneqarnera tamakkiisumik pilersaarusiornikkut atukkanut pioreersunut ilanngunneqassasoq qulakkeerniarneqarpoq. Immikkoortoq pineqartoq Nuup illoqarfiata qeqqaniippoq tassaniissappullu atuuffiit assigiinngitsut, illoqannginnersaqarfiit orniginartut aamma ineqartunut immikkoortukkullu angallatunut aqutit pitsaasut.

Pilersaarut malillugu immikkoortumi misissueqqissaarneq aamma nalunaarsueqqissaarneq pissapput, matumani aqqusineqqat aqquserngillu, sanaartukkat portussusaat assigisaallu ilanngullugit. Immikkoortup siunertaata paasisimanissaanut aamma pitsaassutsit pioreersut eqqarsaatigalugit siunissamut qanoq ineriartortitsisoqarsinnaasoq eqqaanilu immikkoortut eqqarsaatigalugit tunngaviliivoq. Siunissami sanaartugassat portussusissaat, aqquserngit qanoq ittuusinnaaneri, illoqannginnersaqarfiit il. il. pillugit siunnersuusiortoqarlunilu innersuussaqqartoqarpoq.

Allakkiaq una kommunimut pilersaarutissanut immikkoortullu ineriartortinnissaanut pilersaarusiornissamut atugassatut ingerlateqqinneqassaaq. Allakkiartaaq atorlugu immikkoortumi nunaminertanik inerisaaqataarusuttutut soqutigisaqaaqatigiinnut saqqummiunneqassaaq.

### Ingerlatsivimmit aningaasatigut sulisoqarnikkullu naliliinerit

Pilersaarutip suliarinera ingerlatsivimmi sulisup ukiumut naammassinnissinnaassusiata ingerlatsivimmi pingajorarterutaata naligaa.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### Ilanngussaq

1. Aqqusinersuarmi Qitiusoqarfik

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14:57.